

Chumm wandere zäme um d'Wäut!

Ig bi geng no e aute Vagabund
U für no lang hie z'blibe gseh ig gar ke Grund
U was mir stinkt, das isch e Rägetag
Ig wett d'Sunne gseh!

Ig bi scho Tänzer uf mängere Hochzyt gsy
We's luschtig geit de bini gärn drbii
Ig bi e hoffnigslose Optimischt
ig wett mit dir zäme si!

Meh aus d'Häufti vor Strass ligt hinder mir
U das wo vor mir ligt gieng ig gärn mit dir.
Ig zeichne dir mi Plan i Sand
Ig wett di lache gseh!

*Ref: Chum mir wandere zäme d'Wäut!
Mir loufe los, bevor d'Sunne chunnt
Chum mir wandere zäme d'Wäut!
bevor du dir's anders überleisch!*

Ig bi mängisch mit dr Nase am Bode gsi
ha mängisch dänkt, jitz isch aus verbii
dr Wäg hani wider gfunde
aber am Ziu bini nid!

Ig ha öppe zwiflet, was das bringt
es isch eine i mir, wo mängisch mit mir ringt!
ig bruuche öpper wo zue mir steit
de bi ig für auses z'ha!

Ref:

Ig gloube nid a morn, gloube nume a Jitz
wott vo auem ha u nid nume e Bitz
was blibt wird d'Liebi si
chasch mer's gloube oder nid!

Ig bi geng no e aute Vagabund
U für no lang hie z'blibe gseh ig gar ke Grund
U was mir stinkt, das isch e Rägetag
Ig wett d'Sunne gseh!

Ref: